



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

17 APRIL 2021 (SABTU)



KEMENTERIAN PERDAGANGAN DALAM NEGERI
DAN HAL EHRAH PENGGUNA

KERATAN AKHBAR DAN MEDIA ONLINE (KPDNHEP)

17 APRIL 2021 (SABTU)

Masalah kekurangan tenaga kerja dibawa ke Kabinet dalam masa terdekat

Cadang tambah penguat kuasa

Oleh MAISARAH SHEIKH RAHIM
maisarah.rahim@mediamula.com.my

PUTRAJAYA: Kementerian Perdagangan Dalam Negeri dan Hal Ehwal Pengguna (KPDNHEP) akan mengusulkan cadangan penambahan anggota penguat kuasanya di seluruh negara ke Kabinet bagi mengatasi kekurangan tenaga kerja dalam menjalankan tugas harian.

Bercakap kepada *Utusan Malaysia*, Menteri, Datuk Seri Alexander Nanta Linggi berkata, jumlah 2,266 anggota yang ada setakat ini tidak mencukupi jika dibandingkan dengan lebih 32 juta pengguna di seluruh negara yang menuntut keberadaan pasukan penguat kuasa itu di lapangan pada setiap masa.

Justeru, kata beliau, pihak kementerian akan mengusulkan perkara berkenaan kepada Kabinet dalam masa terdekat demi memperkasakan bahagi-



ALEXANDER NANTA LINGGI

an penguat kuasa kementerian tersebut untuk berdepan pelbagai isu baharu terutamanya tentang kenaikan harga barang bagi melindungi kepentingan pengguna terutama dalam situasi pandemik Covid-19.

"Isu menambah anggota penguat kuasa ini merupakan salah satu perkara yang dibincangkan dalam hala tuju kementerian 2021-2025.

"Kita memang bercadang

untuk mengusulkan perkara ini di Kabinet dalam usaha untuk memperkasakan bahagian penguat kuasa. Kajian terperinci sedang dijalankan dan sekiranya semua berjalan lancar, saya berharap perkara ini dapat dibawa ke Kabinet dalam masa enam bulan lagi," katanya di sini semalam.

Akhbar ini kelmarin melaporkan kebimbangan rakyat yang terbeban sekali lagi dengan peningkatan harga runcit barangan di seluruh negara ketika Ramadan dan menjelang Hari Raya Aidilfitri.

Bagaimanapun, kementerian berkenaan berdepan kekangan dalam memantau isu berkenaan berikutan kekurangan anggota penguat kuasa bagi memastikan mana-mana pihak tidak cuba mengaut keuntungan berlebihan sehingga menganiaya pengguna.

Alexander berkata, pertambahan itu bukan sahaja melibat-

kan keanggotaan fizikal, malah bahagian penguat kuasa juga perlu latihan tambahan meningkatkan kemahiran serta ilmu baharu untuk berhadapan dengan isu-isu kepenggunaan yang semakin kompleks dan mencabar.

Sebagai contoh, katanya, perkembangan perniagaan dalam talian telah membuka ruang pelbagai kes penyelewengan yang kompleks, maka, anggota penguat kuasa perlu dibekalkan dengan ilmu dan kemahiran baharu bagi menangani isu tersebut.

Mengulas lanjut, beliau berkata, anggota penguat kuasa KPDNHEP tidak menjalankan tugas menyelia harga barangan secara langsung kerana tanggungjawab itu dilaksanakan Pegawai Pemantau Harga (PPH) yang dilantik secara kontrak di seluruh negara bagi melaksanakan program pemantauan harga.

Pada ketika ini, katanya, seramai 1,015 PPH di seluruh negara melaksanakan tugas itu bagi memastikan barangan keperluan pengguna dijual dengan harga yang berpatutan dan membendung perlakuan mengaut untung berlebihan dalam kalangan peniaga.

"Perubahan harga barangan dapat dikesan melalui pemantauan harga barangan keperluan pengguna secara harian, mingguan dan bulanan di premis-premis terpilih yang meliputi pasar basah, kedai runcit, pasar raya dan pasar raya besar di seluruh negara.

"Bagi tujuan pemantauan harga, PPH melaksanakan kutipan data harga, memasukkan data harga tersebut ke dalam aplikasi MyHarga dan menyediakan laporan pemantauan harga kepada Sekretariat Majlis Harga Barangan Negara KPDNHEP," katanya.

Harga daging dijangka cecah
RM50, ayam RM14 sekilogram

Raya barang mahal

PETALING JAYA: Harga barangan dijangka meningkat luar biasa menjelang sambutan Hari Raya Aidilfitri pertengahan bulan depan ekoran manipulasi harga pihak pembekal, mainan orang tengah dan kenaikan kos inakanan ternakan.

Para peniaga di seluruh negara yang ditemui meramalkan, jika trend peningkatan harga sekarang berterusan, tidak mustahil menjelang hari raya orang ramai terpaksa berbelanja lebih daripada biasa untuk barangan keperluan.

Berdasarkan anggaran mereka, harga daging lembu tempatan dijangka melonjak kepada RM48 hingga RM50 sekilogram berbanding RM35 harga semasa, manakala ayam proses diramal naik daripada RM6.50 sekilogram kepada RM14.

Di beberapa buah negeri, para peniaga memberitahu, harga ayam proses pada wak-

tu ini sudah mencecah RM10 sekilogram dan mereka menjangkakan ia akan meningkat sehingga RM14 sekilogram berbanding RM6.50 sekilogram siling yang ditetapkan kerajaan.

Selain ayam proses, antara barangan yang dilaporkan bakal mencatat kenaikan harga luar biasa adalah beberapa jenis sayuran.

Tinjauan *Utusan Malaysia* di seluruh negara juga mendapati harga barangan di pasar-pasar pagi menunjukkan aliran meningkat.

Di **PULAU PINANG**, harga ayam proses dijangka terus melonjak kepada RM12 hingga RM13 sekilogram menjelang Hari Raya meskipun harga semasa yang dijual antara RM7.90 hingga RM10 sekilogram telah pun membebaskan pengguna.

Bersambung di muka 6

Raya barang mahal

Dari muka 1

Peniaga ayam di Pasar Tanjung Bungah, Azhar Alias, 42, berkata, kenaikan harga ayam berlaku secara berperingkat sejak beberapa minggu lalu sebelum Ramadan dan mencecah RM10 sekilogram minggu ini.

"Kami terima ayam pun pada harga mahal dan terpaksa jual pada kadar RM10 untuk menampung kos dan mungkin harga ini akan meningkat beberapa minggu lagi," katanya.

Di **KEDAH**, peniaga ayam di pasar besar di sini tidak menolak kemungkinan harga ayam boleh mencecah lebih RM10 sekilogram menjelang Aidilfitri.

Kebanyakan peniaga di pasar ini menjual ayam pada harga RM8 hingga RM9 sekilogram pada dua hari sebelum Ramadan lalu.

Peniaga ayam, Syed Zainon Syed Hamid, 63, berkata, dia percaya harga ayam bersih standard akan naik beberapa kali lagi sehingga Aidilfitri.

"Kenaikan mendadak itu berikutan pembekal meletakkan harga ayam yang tinggi menyebabkan peniaga tiada pilihan selain menaikkan harga," katanya.

Di **PAHANG**, peniaga ayam di Pasar Besar Kuantan, Muham-

mad Nazri Ishak, 45, tidak menafikan ketika ini harga ayam proses agak mahal berbanding seminggu sebelum puasa.

"Sebelum puasa harganya sekitar RM8 hingga RM8.60 sekilogram tetapi meningkat RM9.60 sebaik sahaja umat Islam mula berpuasa dan hari ini dijual pula pada harga RM9.90 sekilogram," katanya.

Di **PERLIS**, harga barang basah khususnya ayam segar, sotong dan sawi sejak awal bulan lalu sehingga memasuki Ramadan didapati mengalami kenaikan mendadak di negeri ini.

Tinjauan di Pasar Besar Arau di sini mendapati, ayam segar dijual pada harga RM8.20 sekilogram berbanding RM7.90 pada bulan lalu manakala sotong bersaiz sederhana pula naik RM5 sekilogram iaitu daripada RM20 minggu lalu kepada RM25 ketika ini.

Harga sawi dari Cameron Highlands pula meningkat cukup ketara sehingga 90 peratus sejak awal tahun iaitu daripada RM10 sebakul membabitkan berat kira-kira 10 kilogram meningkat kepada RM90.

Di **MELAKA**, harga ayam di Pasar Besar Melaka melonjak secara tiba-tiba semalam membuatkan peniaga kian resah apabila pelanggan enggan membeli

kerana disifatkan terlalu mahal berbanding beberapa hari sebelum ini.

Tinjauan *Utusan Malaysia* mendapati, harga ayam proses dijual pada harga RM9.20 sekilogram iaitu harga tertinggi berbanding sewaktu pelaksanaan Perintah Kawalan Pergerakan (PKP) sebelum ini dengan harga RM8.60 sekilogram.

Turut mengalami kenaikan ketara ialah ikan kembung hitam mencecah RM22 sekilogram, ikan selar (RM20) dan sotong (RM40 hingga RM42).

Di **JOHOR**, harga ayam di beberapa pasar awam dan pasar raya sekitar bandar raya ini mencecah RM9.50 bagi setiap kilogram, berbanding hanya RM7.50 ke RM7.80 sebelum Ramadan lalu.

Tinjauan di Pasar Awam Ulu Tiram mendapati harga ayam di situ antara yang tertinggi setakat ini iaitu RM9.50 kg, bagaimanapun harga barangan segar itu murah 30 sen di Pasar Awam Larkin, sementara di Pasaraya Kip Mart Tampoi masih berada dalam lingkungan RM8.50 kg.

Tinjauan harga daging lembu tempatan juga menunjukkan kenaikan apabila bekalan itu dijual pada harga RM40 sekilogram di beberapa pasar berbanding RM35 sebelum ini.

PERBANDINGAN HARGA BARANGAN HARIAN

BAHAN	APLIKASI HARGA KPDNHP	JANGKAAN HARGA AIDILFITRI
Daging Lembu Import 1kg	RM21.00	RM16.90 - RM38.00
Daging Lembu Tempatan 1kg	RM36.00	RM35.00 - RM47.90
Ayam bersih standard 1kg	RM5.99	RM8.30 - RM9.50
Ikan Kembung kecil 1kg	RM20.00	RM5.00 - RM25.00
Ikan Kerisi 1kg	RM8.00	RM8.00 - RM18.00
Ikan Cencaru 1kg	RM5.99	RM9.00 - RM10.00
Ikan Tongkol 1kg	RM8.00	RM9.00 - RM14.00
Ikan Selayang 1kg	RM7.99	RM6 - RM16
Sayur Sawi 1kg	RM6.00	RM7.00 - RM10.00
Sayur Pak Choi 1kg	RM12.00	RM12.00 - RM15.00
Daun Bawang 1kg	RM21.00	RM20.00 - RM28.00
Cili Merah 1kg	RM7.00	RM10.00 - RM18.00
Bawang Merah 1kg	RM1.99	RM5.00 - RM8.50
Telur (sepapan)	RM9.90	RM0.25 - RM0.40 sen (sebilji)





Harga ayam proses cecah RM12 sekilogram

Penjual dakwa kenaikan akibat harga belian tinggi daripada pembekal

Oleh Andrey Derrawan, Iwan Shafizan Rasmi, Nurul Amanina Subaini, Ahmad Rahimi Zulkifli dan Badgis Jasimah Zahari
bhnews@bh.com.my

Kuala Lumpur: Harga ayam proses di sesetengah negeri mencecah RM12 sekilogram dengan penjual mendakwa kenaikan itu disebabkan harga yang sudah tinggi di peringkat pembekal.

Berdasarkan tinjauan, penjual mendakwa harga ayam basah mengalami kenaikan antara tiga hingga enam kali sejak akhir bulan lalu, namun permintaan terhadap makanan itu tidak mengalami penurunan ketara.

Purata harga runcit ayam proses sebelum ini bermula daripada RM6, rata-ratanya yang dijual di pasar raya besar, manakala

harga di luar pasar raya besar atau yang dijual di pasar basah pula antara RM7 hingga RM8 sekilogram.

Di **Georgetown**, harga ayam segar di pasar basah naik antara RM10.50 hingga RM12 setiap kilogram dan didakwa meningkat sekurang-kurangnya enam kali atau sekitar 30 sen untuk setiap kilogram sejak hujung bulan lalu.

Peniaga ayam, A T Lim, 40-an, berkata mereka tidak pasti punca kenaikan harga bekalan yang diterima daripada pembekal sehingga RM9.50 sekilogram, malah ada masanya mencecah RM10 sekilogram.

"Banyak kenaikan sejak bulan lalu dan kami tiada pilihan selain menetapkan harga runcit pada RM10.50 sekilogram atau lebih tinggi lagi. Kami memang menyaksikan beberapa kali kenaikan harga setiap Ramadan, tetapi kali ini yang tertinggi," katanya.

Di **Johor Bahru**, tinjauan di pasar basah di Skudai mendapati harga ayam segar antara RM6 hingga RM8 sekilogram dengan seekor ayam proses saiz sederhana dijual purata RM19 sekilogram. Ia berbeza dengan harga pada awal Ramadan, iaitu RM8.50 sekilogram dengan seekor ayam segar sederhana antara



Tinjauan harga ayam di Pasar Chabang Tiga, Kuala Terengganu didapati naik secara mendadak sejak hari pertama Ramadan. (Foto Ghazali Kori / BH)

tara RM18 hingga RM20.

Peniaga, Ramli Zakaria, 37, berkata bekalan ayam masih mencukupi dan permintaan juga tidak berubah setakat ini dengan setiap hari pasti ada pelanggan membeli.

"Mungkin pelanggan faham ia (harga) bergantung kepada harga borong semasa. Berikutan pandemik COVID-19, pelanggan cenderung mendapatkan barang mentah kerana lebih menjimatkan," katanya.

Di **Ipoh**, rata-rata peniaga ayam di bandar raya berkenaan mendakwa mereka tiada pilihan dan terpaksa menaikkan harga berdasarkan harga diperoleh daripada pembekal.

Peniaga hanya mahu dikenali sebagai Mat, 50, ketika ditemui di Pasar Ayam Amanjaya, berkata ayam yang diperolehnya daripada pemborong mengalami kenaikan sebanyak enam kali sejak awal bulan.

"Bayangkan untuk bulan ini saja, harga ayam dibekalkan

pemborong naik enam kali, termasuk dua kali sebelum puasa. Hari ini (semalam), kali kedua harga borong naik dalam Ramadan. Setiap kenaikan adalah 30 sen dan kita memperoleh harga kos RM7.80 sekilogram, jadi saya terpaksa jual pada harga RM9.50 sekilogram," katanya.

Di **Alor Setar**, rata-rata peniaga ayam yang ditemui memaklumkan harga ayam naik sejak seminggu lalu dan dijangka terus meningkat berikutan permintaan tinggi di pasaran. Antara alasan kenaikan itu adalah harga dedak ayam yang meningkat, selain kos memproses terutama selepas Perintah Kawalan Pergerakan (PKP).

Tinjauan di Pasar Besar Alor Setar mendapati kebanyakan peniaga ayam meletakkan harga antara RM7.90 hingga RM8.80 sekilogram.

Pengerusi Pasar Besar Alor Setar, Fauzi Sharif mengakui

berlaku kenaikan harga ayam, namun katanya, ia masih terkawal.

Di **Kuala Terengganu**, harga sayuran juga dilaporkan naik sejak kelmarin, antaranya sawi, salad dan tomato. Tinjauan mendapati sawi dijual pada RM7 sekilogram berbanding RM4 sebelum ini, salad kerinting daripada RM4 sekilogram meningkat sehingga RM15, manakala tomato naik RM1 daripada RM4 sekilogram.

Peniaga, Siti Khatidah Muda, 46, berkata dia terpaksa menjual pada harga tinggi selepas menerima harga yang tinggi daripada daripada pembekal.

"Kami terima daripada pembekal dengan harga sudah tinggi, mustahil untuk kami mengekalkan harga seperti biasa. Mahu atau tidak, terpaksa jual pada harga sepatutnya, sesuai dengan keuntungan yang wajar kami peroleh, iaitu RM1 hingga RM2 untuk sekilogram," katanya.

Syor keluar AP import ayam segar

Kuala Lumpur: Pengeluaran permit import (AP) bagi membawa masuk bekalan daging ayam segar ke negara ini perlu dipertimbangkan oleh kerajaan bagi menangani kenaikan harga makanan keperluan itu setiap kali Ramadan dan menjelang perayaan.

Presiden Gabungan Persatuan-Persatuan Pengguna Malaysia (FOMCA), Datuk Dr N Marimuthu, ketika mengemukakan syor itu, berkata langkah berkenaan jika dilaksanakan, akan dapat menstabilkan harga ayam yang kini dilaporkan meningkat dengan ketara.

Katanya, harga sesuatu pro-

duk bukan sahaja dapat distabilkan, malah boleh turun jika ada lambakan dan ia tidak terkecuali bagi ayam.

"Kenapa kita tidak bagi saja AP untuk import ayam sedangkan kita tahu setiap kali tiba musim perayaan, permintaan untuk daging ayam meningkat. Ayam juga sumber protein utama rakyat Malaysia dan ia akan sentiasa menjadi keperluan.

"Maka, saya rasa pelik kalau Kementerian Perdagangan Dalam Negeri dan Hal Ehwal Pengguna (KPDNHEP) tidak menyediakan sebarang pelan untuk menstabilkan

dan menangani kenaikan harga ayam," katanya ketika dihubungi BH semalam.

Sementara itu, Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid, tidak menolak kemungkinan ada pihak tertentu cuba mengambil kesempatan mengaut keuntungan ketika umat Islam menyambut Ramadan.

"Satu perkara tidak patut berlaku bila ada laporan harga ayam naik mendadak. Kalau kelmarin dijual sekitar RM9 sekilogram, hari ini dah sampai RM12 sekilogram. Mesti ada berlaku pencatutan

dalam isu ini, yang mana ada pihak cuba ambil untung lebih," katanya.

Beliau juga mengesyaki ada pembabitin rangkaian penggiat industri atau kartel yang mungkin merancang mengaut untung tinggi dalam keadaan rakyat memerlukan.

Ditanya sama ada pemberian AP mampu mengatasi kenaikan harga atau tindakan manipulasi pasaran ayam oleh pihak tertentu, Rosol mengakui itu antara satu cara dan KPDNHEP akan mengadakan perbincangan lanjut dengan Kementerian Kementerian Pertanian dan Industri Makanan.

Kenapa kita tidak bagi saja AP untuk import ayam sedangkan kita tahu setiap kali tiba musim perayaan, permintaan untuk daging ayam meningkat



Dr N Marimuthu,
Presiden FOMCA



PERMINTAAN pengguna terhadap ayam di Pasar Besar Seremban semalam agak menurun berikutan harganya yang agak tinggi.

'Harga ayam naik, peniaga tiada pilihan'

Oleh NOR SHAFAWATI YUP

SEREMBAN – Harga ayam proses mula mengalami kenaikan mendadak sehingga mencecah RM10 sekilogram sejak awal Ramadan selepas pihak pembekal dan peladang ayam mengenakan harga yang agak tinggi.

Seorang peniaga ayam yang mahu dikenali sebagai Muhammad, 24, berkata, peniaga tiada pilihan dan terpaksa menaikkan harga walaupun memahami ekonomi kebanyakan masyarakat sekarang tidak stabil ekoran pandemik Covid-19.

"Memang tidak dinafikan, harga ayam agak tinggi sekarang RM10 sekilogram iaitu melambung naik sejak dua minggu lalu berbanding sekitar RM8.50 sebelum ini.

"Sebolehnya saya tidak mahu menaikkan harga, namun

peniaga hanya peroleh keuntungan kecil berikutan harga yang dikenakan pembekal terlalu tinggi," katanya ketika ditemui di Pasar Besar Seremban semalam.

Menurut Muhammad, jualan ayam juga sedikit menurun sejak kebelakangan ini dan peniaga menerima rungutan daripada pembeli yang memberitahu harga ayam naik mendadak sekarang.

Tinjauan Kosmo! mendapati, rata-rata peniaga ayam mengenakan harga sekitar RM10 sekilogram dan harga naik sebanyak 20 sen secara berperingkat sejak dua minggu lalu.

Sementara itu, seorang peniaga daging, Ahmad Saufi Zulkifli, 33, berkata, harga daging tempatan juga mengalami kenaikan mencecah RM38 sekilogram disebabkan faktor sama iaitu peladang dan pembekal mengena-

kan harga tinggi.

"Harga daging (tempatan) memang tinggi sekarang dan kami sebagai peniaga tersepit dan terpaksa menjual pada harga tinggi kerana harga yang diberikan pembekal juga tinggi.

"Bagi daging batang pinang pula mencecah harga RM40 sekilogram, macam saya sendiri memang sepenuhnya mengambil bekalan daging daripada peladang dan perlu ikut harga ditetapkan," katanya.

Bagi seorang pembeli, Fazidah Sheikh Ali, 60, harga ayam memang naik sedikit berbanding sebelum ini tetapi kualiti ayam yang ditawarkan di pasar ini segar.

"Walaupun harga ayam naik, saya tetap membeli di pasar ini kerana kualiti ayam segar dan bersih, ketika Ramadan memang biasanya harga ayam naik sedikit," katanya.

Concern over skyrocketing chicken prices in northern states

» REPORT BY AUDREY DERMAWAN ON PAGE 7



UP TO RM12 A KG

CHICKEN PRICES SKYROCKET IN 2 STATES

Poultry sellers say wholesalers have increased chicken prices by 100pc from last Ramadan

AUDREY DERMAWAN
AND BALQIS JAZIMAH ZAHARI
GEORGE TOWN
news@nst.com.my

THE price of fresh chicken in at least two northern states has skyrocketed since the end of last month, leaving consumers fuming.

Poultry sellers claimed that the price of chicken had gone up by 100 per cent compared with the same period last year.

They claimed that consumers were shying away from buying poultry as a result.

Fresh chicken sold at wet markets here now cost RM10.50 to RM12 per kg.

Poultry sellers said the price had increased at least six times since the end of last month, with each hike being about RM0.30 per kg.

They cautioned that the price would increase by RM0.30 again today.

Poultry seller A.T. Lim said sellers did not know the reason behind the price increase, noting that they received their supplies at RM9.50 per kg, some even RM10 per kg.

"There have been multiple hikes since late last month. We have no choice but to set the retail price at RM10.50 per kg. Some sellers have set it even higher.

"We do see price increases every fasting month, but this is the highest hike ever," he told the *New Straits Times*.

Checks at the Lebuhr Cecil market found that fresh chicken was



A trader weighing chicken meat at the Lebuhr Cecil market in George Town yesterday. PIC BY MIKAIL ONG

being sold at up to RM10.50 per kg.

Lim said that due to the steep price increase, many customers were avoiding chicken meat.

"My business has dropped by 30 per cent. But what choice do I have? I do not make huge profits."

Another poultry seller said the price of fresh chicken had seen an almost 100 per cent hike per kg compared with a year ago.

The Penang office of the Domestic Trade and Consumer Affairs Ministry said it was investigating the reason behind the price increase of fresh chicken and other food items in the state.

The ministry's chief enforcement officer in the state, Peter J. Berinus Agang, said enforcement

officers had reported price increases, especially for fresh chicken, in several wet markets in the past two days.

"We are looking into all aspects — the producers, suppliers and traders — to determine the cause of the increase. We are constantly monitoring the situation to ensure there is no indiscriminate price hikes by anyone."

In Ipoh, Perak, poultry sellers claimed that they had no choice but to sell chicken at higher prices as suppliers had raised prices.

A poultry seller, who only wanted to be known as Mat, said the price of chicken had gone up six times since early this month.

"This month alone, the price of

chicken from suppliers has gone up six times, including twice before Ramadan. We've been told that it's set to go up again tomorrow (today), which will make it the second time that prices have gone up since Ramadan started.

"There has been an average increase of 30 sen each time. We get it (chicken) at cost at RM7.80 per kg, so I have to sell it at RM9.50 per kg," he said at the Amanjaya poultry market yesterday.

He said that in his 20 years in the business, he had never seen a price hike as significant as this.

"If this continues, I wouldn't rule out prices doubling and traders having no choice but to sell chicken at RM10 a kg or higher.

"We don't know the reason behind the price increase, but there has been speculation that it is because of poor profits last year during the pandemic as there were no large-scale celebrations."

He said poultry sellers only make about RM1.40 a kg of standard chicken.

"We don't make much. Sellers here also need to pay about RM450 a month for rent and utilities, not to mention staff wages."

He said Domestic Trade and Consumer Affairs Ministry must make this issue a priority.

"You can't just blame sellers as our hands are tied when wholesalers raise prices. We are urging the ministry to act."

Suppliers, traders warned not to hike prices

TUMPAT: Suppliers and traders have been warned not to take advantage of the fasting month and festive season to raise the prices of goods.

Deputy Agriculture and Food Industries Minister II Datuk Che Abdullah Mat Nawi said increasing the prices of goods would further burden the people.

He said this issue was being closely monitored by the relevant agencies.

"I was told that food, vegetables

and other items from producers to major suppliers are sufficient to meet demand this Ramadan and for the coming celebration.

"I would like to warn traders and suppliers not to take advantage of the season to create artificial shortages of food to force prices to go up.

"There should be no reason for excessive price hikes and they should not cheat customers."

Che Abdullah, who is Tumpat member of parliament, said this

after a house-to-house Covid-19 vaccination registration campaign in Kampung Baru Nelayan here yesterday.

He urged consumers in some states to remain calm and not panic over some traders' decision to hike the prices of goods.

"The authorities are trying to solve the problem so we can celebrate the festival smoothly."

In the two-hour campaign that ended at noon, 150 villagers registered for the vaccination.



Tumpat member of parliament Datuk Che Abdullah Mat Nawi (right) leading the Covid-19 vaccination registration campaign in Tunpat yesterday. PIC BY SHARIFAH MAHSINAH ABDULLAH

Eatery owners worry over ingredients price hike

Cost of chicken, fish, squid increased in days before Ramadan



By JOSEPH KAOS Jr
joekapsjr@thestar.com.my

PUTRAJAYA: Mamak restaurant operators are feeling the pinch this Ramadan due to a hike in the price of chicken and other items.

Original Penang Kayu Nasi Kandar restaurant managing director Burhan Mohamad said prices of chicken, fish and squid appeared to have gone up in the last few days leading to the fasting month.

"Usually, the price of chicken is about RM7 per kg. But recently, it has gone up to RM8.50 per kg. The same goes for fish. Squid has also shot up to about RM38 per kg."

"The sellers give us strange reasons, like the cost is due to the rainy season," said Burhan, who owns a chain of 10 restaurants.

Ashraf Ariff, owner of Ali's Bistro in Setiawangsa, said restaurateurs were not only suffering from the recent hike in prices of ingredients but packing materials as well.

"Frozen meat has gone up. Price of lamb increased from RM24 per kg to RM29 per kg in the last few days. Today, I received a message from my supplier that the price of chicken is up by 30 sen."

"On top of that, the price of packing materials has gone up, too. As my restaurant is in a predominantly Malay area, daytime sales during Ramadan is affected, so it is tough for us," said Ashraf.



Going up: Apart from chicken and seafood, prices of several vegetables have also seen an increase. — SAMUEL ONG/The Star

Malaysian Muslim Restaurant Owners Association (Presma) secretary-general Habibur Rahman Shahul Hameed hopes the ministry will come down hard on price hikes during Ramadan.

"We know the government imposes price controls during festive seasons. But for Ramadan, we hope there are also checks to ensure sellers do not increase their prices," said Habibur, who owns a mamak restaurant in Kelana Jaya.

The ministry has yet to announce the price control scheme for the upcoming Hari Raya.

In George Town, the retail price of chicken is also up. Dressed chicken is now about RM9.50 per kg at wet markets, compared to RM8 last month.

For a whole dressed chicken, it now costs between RM23 and RM25, compared to about RM17 last month.

Penang Chicken Traders Association vice-chairman Muhammad Shaffi Yacob said the retail price had increased between 20% and 25% this month alone, the highest since the first MCO in March last year.

"For wholesale price, it has increased by

RM1.70 per kg since the beginning of this month. There was a time when the price increased twice in a week.

"Our suppliers just told us the price of chicken will continue to increase until Hari Raya due to a shortage of chicken feed and chicken as well."

"We assume suppliers have to pay more for chicken feed since there is a shortage. We hope the government will come out with a controlled price list soon," he added.

Consumers Association of Penang (CAP) education officer NV Subbarow said the price of goods in the markets was quite stable except for chicken.

"We also found the prices of several vegetables, including tomatoes, have also increased," he said.

Perlis Domestic Trade and Consumer Affairs Ministry director Norazah Jaapar said the Festive Season Maximum Price Control Scheme for Hari Raya Aidilfitri would be launched soon.

"We have not received the price control scheme but it will be launched on a date to be announced later," she added.

Air kosong RM1.50 segelas

Melaka: Melampau apabila ada peniaga di negeri ini menjual air kosong sehingga mencecah RM1.50 segelas.

Perkara itu dikesan hasil operasi Kementerian Perdagangan Dalam Negeri dan Hal Ehwal Pengguna (KPDNHEP) negeri dalam tempoh lapan hari pemeriksaan.

Susulan itu, enam notis dikeluarkan terhadap peniaga di negeri ini yang didapati menjual air kosong pada harga tidak munasabah.

Pengarahnya, Norena Jaafar berkata, hasil pemeriksaan mendapati terdapat premis yang mengenakan caj untuk air kosong antara RM1 hingga RM1.50 segelas.

"Semua enam notis itu dikeluarkan hasil pemeriksaan terhadap 12 premis di sekitar daerah Melaka Tengah.

"Operasi pemeriksaan dijalankan penguatkuasa KPDNHEP di bermula sejak 7 April sehingga semalam dan ia dilakukan berterusan," katanya.

Katanya, peniaga atau pemilik premis yang dikeluarkan notis diberi tempoh lima hari bagi memberi maklum balas.

"Notis itu dikeluarkan untuk siasatan mengikut Seksyen 21 Akta Kawalan Harga dan Antipencatutan 2011" katanya.

6 peniaga terima notis jual air kosong lebih RM1

MELAKA - Tindakan enam peniaga di negeri ini yang masih menjual air kosong lebih RM1 segelas akhirnya memakan diri selepas masing-masing dikenakan notis.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Melaka, Norena Jaafar berkata, notis yang dikeluarkan hasil pemeriksaan dijalankan dalam tempoh lapan hari bermula 7 April hingga 15 April lalu.

Menurutnya, pemeriksaan mendapati masih ada premis yang mengenakan caj untuk air kosong antara RM1 hingga

RM1.50 segelas.

"Notis dikeluarkan hasil pemeriksaan dijalankan pegawai dan penguatkuasa di 12 premis di sekitar Melaka Tengah.

"Kita akan terus melakukan pemantauan dan pemeriksaan termasuk di daerah lain selepas menerima rungutan mengenai caj air kosong melampau," katanya ketika dihubungi di sini pada Jumaat.

Dalam pada itu, Norena berkata, peniaga atau pemilik premis yang dikeluarkan notis diberikan tempoh sehingga lima hari bagi memberi maklum balas.

Senarai Harga Barang Keperluan	
• Ayam	RM5.99
• Daging Lembu Tempatan	RM32
• Daging Lembu Import	RM25
• Telur Gred A	RM9.99
• Ikan Kembung	RM8.90
• Minyak Masak	RM5.30
• Gula Pasir	RM2.85
• Bawang Besar Holland	RM2.69
• Bawang Putih	RM4.88
• Cili Merah	RM6.90
• Kubis Bulat Tempatan	RM2.50
• Tepung Gandum	RM2.19

*Harga (RM/kg) Sumber: KPDNHEP